

Broj: 4256-13/18

Datum: 12.06.2018. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj 4256-11/18 od 11.06.2018. godine, u postupku javne nabavke **roba – Zamrzivač namijenjen čuvanju zamrznute svježe plazme / krioprecipitata**, direktor Javne ustanove Opća bolnica „Prim. dr. Abdulah Nakaš“, je donio

### **ODLUKU** **o izboru najpovoljnijeg ponuđača**

#### **Član 1.**

**Prihvata se Preporuka Komisije za nabavku**, broj: 581-12/18 od 21.02.2018. godine i Ugovor za javnu nabavku **roba – Zamrzivač namijenjen čuvanju zamrznute svježe plazme / krioprecipitata** dodjeljuje se ponuđaču „**ANALITIKA**“ d.o.o. Sarajevo, ponuda broj TEN-037-I **dostavljena dana 31.05.2018. godine, sa konačnom cijenom ponude od 7.900,00 KM (bez PDV-a), kao najpovoljnijem ponuđaču.**

#### **Član 2.**

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u tenderskoj dokumentaciji predvidio provođenje E-aukcije.

#### **Član 3.**

U postupku nabavke iz člana 1. ove Odluke zaprimljene su ukupno dvije kvalifikovane ponude sljedećih ponuđača:

1. ANALITIKA d.o.o. Sarajevo sa konačnom cijenom ponude nakon provedene „E-aukcije“ u iznosu od 7.900,00 KM bez uračunatog PDV-a;
2. INEL-BH d.o.o. Maglaj sa konačnom cijenom ponude nakon provedene „E-aukcije“ u iznosu od 7.920,00 KM bez uračunatog PDV-a.

U postupku nabavke iz člana 1. ove Odluke zaprimljene su tri nekvalifikovane ponuda ponuđača i to: „EURO-LAB“ d.o.o. Bijeljina, „BROMA-BEL“ d.o.o. Banja Luka i „FAMA BIOMEDICAL“ d.o.o. Sarajevo.

#### Član 4.

Izabrani ponuđač „ANALITIKA“ d.o.o. Sarajevo svoju početnu ponudu nakon provedene „E-aukcije“ umanjio je za procenat od 47,31%. S tim u vezi sve jedinične cijene po stavki iskazane u Obrascu za cijenu ponude umanjit će se za isti procenat i te umanjene cijene će se primijeniti u Ugovoru o javnoj nabavci roba.

#### Član 5.

Izabrani ponuđač se oslobađa obaveze dostavljanja originala ili ovjerenih kopija dokumentacije iz člana 45. i 47. Zakona o javnim nabavkama obzirom da je iste dostavio uz ponudu.

#### Član 6.

Prijedlog Ugovora o javnoj nabavci roba dostaviće se na potpis izabranom ponuđaču nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude.

#### Član 7.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### Član 8.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

#### Obrazloženje

Postupak javne nabavke pokrenut je Odlukom o pokretanju postupka javne nabavke broj: **4256-2/18 od 14.05.2018. godine.**

Javna nabavka je sprovedena **putem konkurentskog zahtjeva za dostavu ponuda.**

Procijenjena vrijednost javne nabavke bez PDV-a je **15.000,00 KM.**

Obavještenje o nabavci broj: 1125-7-1-183-3-90/18, poslato je na objavljivanje dana **22.05.2018. godine**, a objavljeno je na Portalu javnih nabavki dana **22.05.2018. godine**, Obavještenje o nabavci objavljeno je u Sl. Glasniku BiH broj: **34/18 od 25.05.2018. godine.**

Komisija za nabavku, imenovana je Rješenjem broj: **4256-3/18 od 14.05.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **4256-10/18 od 11.06.2018. godine**, Preporuku o izboru najpovoljnijeg ponuđača broj: **4256-11/18 od 11.06.2018. godine** i Izvještaj o radu broj: **4256-12/18 od 12.06.2018. godine**, u postupku javne nabavke roba - **Zamrzivač namijenjen čuvanju zamrznute svježe plazme / krioprecipitata.**



U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljeno 5 ponuda,
- da je blagovremeno primljeno 5 ponuda,
- da nije bilo neblagovremeno primljenih ponuda,

- da su ponude ponuđača „**ANALITIKA**“ d.o.o. Sarajevo i „**INEL-BH**“ d.o.o. Maglaj kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,

i

- da se odbacuju ponude ponuđača „**FAMA BIOMEDICAL**“ d.o.o. Sarajevo, „**EURO-LAB**“ d.o.o. Bijeljina i „**BROMA BEL**“ d.o.o. Banja Luka u skladu sa članom 68. stav 4. tačka i) Zakona o javnim nabavkama jer nisu kvalifikovane niti prihvatljive za ugovorni organ, odnosno nisu potpune i ne ispunjavaju zahtjeve iz tenderske dokumentacije:

Ponuđač **FAMA BIOMEDICAL d.o.o. Sarajevo** u svojoj ponudi za predmetnu nabavku nije dostavio:

- Uvjerenje koje izdaje nadležna institucija ili agencija za kontrolu kvaliteta, kojom se potvrđuje da roba odgovara određenim specifikacijama ili normama koje je traženo u odjeljku c) USLOVI ZA KVALIFIKACIJU PONUĐAČA u tački 4. TEHNIČKA I PROFESIONALNA SPOSOBNOST pod d).
- Certificate niti Izjavu da ponuđena oprema odgovara traženim uslovima u tehničkoj specifikaciji.
- Navedeni ponuđač je na strani 51. svoje ponude dostavio Izjavu o prihvatanju uslova isporuke robe u kojoj je navedeno da FAMA BIOMEDICAL d.o.o. Sarajevo prihvata uslove isporuke robe 60 dana od dana potpisivanja ugovora, a koja nije u skladu sa traženim u tenderskoj dokumentaciji. Naime, Ugovorni organ je u odjeljku b) PODACI O PREDMETU JAVNE NABAVKE u tački 5) rok za isporuku robe na strani 3. tenderske dokumentacije zahtjevao rok isporuke do 30 (trideset) dana od dana potpisivanja Ugovora.

Ponuđač **EURO LAB d.o.o. Bijeljina** u svojoj ponudi za predmetnu nabavku nije dostavio:

- Izjavu o angažovanom tehničkom osoblju, već je na strani 62. svoje ponude za predmetnu nabavku dostavio Izjavu u kojoj je navedeno da će angažovati tehničko osoblje za postavljanje i instalaciju robe koja se nabavlja, a u kojoj nisu navedena lica koja će biti angažovana na postavljanju i instalaciji ponuđene opreme i ista nije u skladu sa traženim u odjeljku c) USLOVI ZA KVALIFIKACIJU PONUĐAČA u tački 4. TEHNIČKA I PROFESIONALNA SPOSOBNOST pod b).

Ponuđač **BROMA BEL d.o.o. Banja Luka** u svojoj ponudi za predmetnu nabavku nije dostavio:

- Izjavu o prihvatanju roka, načina i uslova plaćanja – 30 (trideset) dana od dana dostave fakture za isporučenu robu, već je na strani 9. svoje ponude za predmetnu nabavku dostavio Izjavu o roku plaćanja u kojoj je navedeno da BROMA BEL d.o.o. Banja Luka izjavljuje da ponuda važi 8 (osam) dana računajući od dana ispostavljanja fakture i puštanja opreme u rad i u članu 3. stav (1) Nacrta ugovora je naveo da će se plaćanje izvršiti u roku od 8 (osam) dana...Navedene izjave ponuđača nisu u skladu sa traženim u

tenderskoj dokumentaciji. Naime, Ugovorni organ je u odjeljku e) OSTALI PODACI u tački 6) Rok, način i uslovi plaćanja izabranom ponuđaču zahtijevao plaćanje u roku 30 (trideset) dana od dana dostave fakture za isporučenu robu.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene.

- **Naziv ponuđača čija je ponuda ocijenjena kao najpovoljnija:**

1.	<b>Naziv ponuđača</b>	<b>Ponuđač</b> <b>ANALITIKA d.o.o.</b> <b>Sarajevo</b>
2.	Sjedište i adresa	<b>Ul. Ferde Hauptmana</b> <b>broj 7, 71000 Sarajevo</b>
3.	Ukupna cijena ponude bez PDV-a	<b>7.900,00 KM</b>
4.	Rok, način i uslovi plaćanja	<b>30 (trideset) dana od</b> <b>dana dostave fakture za</b> <b>isporučenu robu</b>
5.	Rok isporuke	<b>Do 30 (trideset) dana od</b> <b>dana potpisa ugovora</b>

Izabrani ponuđač je izabran primjenjujući kriterij najniža cijena, čime je utvrđen i njihov sukcesivni red kako slijedi:

1. „ANALITIKA“ d.o.o. Sarajevo sa ukupnom cijenom od 7.900,00 KM bez uračunatog PDV-a
2. „INEL-BH“ d.o.o. Maglaj sa ukupnom cijenom od 7.920,00 KM bez uračunatog PDV-a



Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

**Dostaviti:**

- Ponuđaču: „Analitika“ d.o.o. Sarajevo
- Ponuđaču: „Broma Bel“ d.o.o. Banja Luka
- Ponuđaču: „Euro Lab“ d.o.o. Bijeljina
- Ponuđaču: „Fama Biomedical“ d.o.o. Sarajevo
- Ponuđaču: „Inel-BH“ d.o.o. Maglaj
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.

